

Հայաստանի արդիւնաբերութեան և ելեմուտքի բարելաւման տեսա-
կէտից, սակայն, վճռական դեր պիտի կատարէր Անկախութեան Փոխառու-
թիւնը, որի օրէնքը հրատարակւեց յունիս 10-ին: Օրէնքը ասում էր.

«1. Հայաստանի Հանրապետութեան արդիւնաբերական ուժերը և
տնտեսութիւնը վերականգնելու և Հանրապետութեան թղթադրամների
Փոնդն ապահովելու նպատակով կնքել 20 միլիոն ամերիկեան դոլարի ան-
ւանական գումարի պետական փոխառութիւն 6 տոկոսով: Փոխառութեան
75 տոկոսը յատկացնել վերոյիշեալ նպատակին, իսկ 25 տոկոսը գործադրել
պետական այլ կարիքների համար»:

Փոխառութիւնը արելու էր 10 տարով, Հայաստանում և արտասահ-
մանում: Բաց էին թողնւելու 10, 25, 50, 100, 500 և 1000 դոլարնոց
պարտաթղթեր, որոնք տղատ էին լինելու տուրքերից: Փոխառութիւնը
ապահովուում էր Հայաստանի Հանրապետութեան ամբողջ գոյքով: Փոխա-
ռութեան գործի ղեկավար նշանակւեց Ա. Խատիսեանը, որը այդ առաքելու-
թեամբ ուղարկւեց արտասահման:

Անկախութեան փոխառութիւնը անօրինակ խանդավառութիւն առաջ
բերեց Հայաստանի և արտասահմանի հայկական բոլոր խաւերի մէջ: Քա-
ղաքական կուսակցութիւններ, հասարակական կազմակերպութիւններ, մա-
մուլ, անհատ գործիչներ — ամենքը աջակցեցին կառավարութեան, որ
փոխառութիւնը ունենայ յաջող արդիւնք: «Միջկուսակցական Մարմինը
հետևեալ կուսակցութիւններին, — հետադրում էին յունիս 21-ին Խատիսեա-
նին — Հայ Ժողովրդական կուսակցութեան, Հայաստանի Սոց.-Դեմոկրատ
Բանուորական կուսակցութեան, Հայ Ռամկավար կուսակցութեան և Անկու-
սակցականների Միութեան — գտնելով, որ Հայաստանի անկախութեան
փոխառութիւնը 20 միլիոն դոլարի միանգամայն անհրաժեշտ է Հայաստանի
Ֆինանսական և տնտեսական զրութեան բարելաւման համար, ամէն կերպ
պաշտպանում է կառավարութիւնը այդ փոխառութեան իրականացման
գործում, և ղեմում է բոլոր հայերին՝ առաջարկելով եռանդուն մասնակ-
ցութիւն ցոյց տալ նրա տարածման մէջ: Լիազօրներ Հ. Ժ. կուս.՝ Տէր
Խաչատրեան, Ատեփանեան, Հ. Ս.-Դ. Բանու. կուս.՝ Իշխանեան, Անանուն,
Հ.Ռամկ. կուս.՝ Դարբինեան, Շատովորեան, Անկուս. Միութեան՝ Արէշեան,
Չալխուչեան»:

Փոխառութեան բացումը Երևանում կատարւեց մեծ հանդիսաւորու-
թեամբ, օգոստ. 1-ին: Բազմաթիւ անհատներ, հիմնարկութիւններ, Խոր-
հրդարանի և կառավարութեան անդամները տեղն ու տեղը արձանագրւեցին
որոշ գումարներ: Կաթուղիկոսը էջմիածնի կողմից արձանագրւեց 1 միլիոն
բուբլի: Մի քանի ժամւայ մէջ հաւաքւեց 45 միլիոն բուբլի: Նոյն ոգևորու-
թեամբ արձանագրութիւնը տեղի ունեցաւ և դաւառներում: Արդահանի
մահմետականութիւնը փոխառութեան մասնակցեց 50 միլիոն բուբլով, որը,
սեպտ. 5-ին, դաւառապետ Կազիմովը անձամբ մտցրեց Կարսի պետական
գանձարանը: Սեպտ. 5-ին արդէն Հայաստանին յատկացածը աւելիով
ծածկւած էր, և կառավարութիւնը փակեց բաժանորդագրութիւնը Հայաս-
տանի սահմաններում: